

## REGLUGERÐ

91  
13. maí

um

varnir gegn útvarpstruflunum.

Samkvæmt lögum nr. 14, 14. júní 1929, um breyting á lögum nr. 12, 20. okt. 1905, um ritsíma og talsíma o. fl., er hér með sett eftirfarandi reglugerð.

## 1. gr.

Hér eftir má ekki setja upp eða nota nein rafmagnstæki, sem geta valdið tilfinnanlegum truflunum á viðtöku loftskeyta eða útvarps, nema þau hafi sérstakan útbúnað, sem deyfi truflanir frá þeim og hindri þær í að berast út, að svo miklu leyti, sem stjórn landssímans telur fullnægjandi.

## 2. gr.

Slik raftæki, er vænta má að geti valdið reglulegum truflunum, eru venjulegir rafhreiflar, rafalar, lyftur, ryksugur, bónvélar, þvottavélar, loftdælur, hárburkunartæki, rafmagnshárklippur, kælitæki, ljósauglýsingatæki og önnur sjálfvirk tæki, er í sífelli kveikja og slökkva á ljósum, hitastillar og tæki með hitastilli í (svo sem hitakoddar, sumar tegundir strokjárna, o. fl.), ozontæki, reykeyðarar, hleðslutæki, afriðlar, logsuðutæki, bogaljós, lækningatæki (svo sem teslataeki, röntgentæki, o. fl.), og yfirleitt öll tæki, þar sem neistar geta myndast, og truflandi rafmagnssveiflur kviknað á annan hátt, og borizt út eftir rafmagnslínunum, símalínunum eða þvl., eða beint gegnum loftið, með svo miklum styrk, að þær valdi óþægindum hjá öðrum.

## 3. gr.

Þeir, sem eiga slik raftæki, er geta truflað, skulu tafarlaust tilkynna það landssímanum. Þó þarf ekki að tilkynna venjulega ljósasnerla, dyrabjöllur og símataeki. Séu menn í vafa um hvort tæki geti truflað, skulu þeir engu síður tilkynna það. Verða tækin þá rannsökuð og truflanir deyfðar á kostnað eiganda tækjanna.

## 4. gr.

Vilji tækjaeigendur heldur sjálfir sjá um deyfingar truflana frá tækjum sínum með aðstoð löggiltra rafvirkja eða annara, sem hafa fengið sérstakt leyfi landssímastjóra og hlutaðeigandi rafmagnsstjóra til að mega annast slíka deyfingu, þá er það heimilt, en landssímastjóra skal þá tafarlaust tilkynnt, er deyfingin hefir verið framkvæmd, enda sé það gert innan tveggja mánaða frá því er tækið hefir verið tilkynnt.

## 91

13. maí

Þar sem er sérstaklega örðugt eða kostnaðarsamt að deyfa ofannefndar truflanir, getur landssímastjóri veitt undanþágu frá því að deyfing fari fram, með því að setja ákveðinn afnotatíma fyrir tækið, og má þá ekki nota það utan hans.

## 5. gr.

Allsstaðar þar sem fyrir er rafmagnsveita fyrir meir en eitt heimili, skal stjórn hennar láta fara fram ítarlega skoðun á öllum rafmagnslögnum, utan húss og innan í fyrsta sinn innan 12 mánaða, og síðan að minnsta kosti þriðja hvert ár, og skal þegar í stað gert við bilanir þær, er þar finnast. Landsímastjóra skal tilkynnt um skoðunina strax og henni er lokið.

## 7. gr.

Mönnum, sem í þjónustu landssímans eru að vinna að útrýmingu þessara truflana, skal heimilt talmunarlaust að fara um land manna og hús, svo framarlega sem það er nauðsynlegt vegna þess starfs, þó ekki eftir kl. 10 á kvöldin eða fyrir kl. 8 á morgnana.

## 8. gr.

Brot gegn reglugerð þessari varða sektum til ríkissjóðs allt að 200 kr., ef það ekki varðar þyngri refsingu samkvæmt hinum alménnu hegningarlögum. Með mál, er út af þessu rísa, skal farið sem alménn lögreglumál.

## 9. gr.

Reglugerð þessi öðlast þegar gildi og birtist til eftirbreytni öllum þeim, er hlut eiga að máli.

*Atvinnu- og samgöngumálaráðuneytið, 13. maí 1930.*

**Einar Árnason.**

*Vigfús Einarsson.*